

# स्वर्गा सु आयो है सन्देश | by Priyanka Swami

संतो स्वर्गा सु आयो है संदेस बुलावो आयो राम को

एक मिनट प्रभु म्हाने देवो तो करू बेटा सु बात  
अलमारी में गहना धरा है राजी राजी थे लीज्यो बाट  
बुलावो आयो राम को  
संतो स्वर्गा सु आयो है संदेस बुलावो आयो राम को

दुसरो मिनट प्रभु म्हाने देवो तो करू बहुवा सु बात  
मैं तो म्हारो धरम निभा दी बाँध के राखीजो परिवार  
बुलावो आयो राम को  
संतो स्वर्गा सु आयो है संदेस बुलावो आयो राम को

तीसरा मिनट प्रभु म्हाने देवो तो करू पोता सु बात  
दादी माँ तो स्वर्गा चाल्या कुण तो करेला थारा लाड  
बुलावो आयो राम को  
संतो स्वर्गा सु आयो है संदेस बुलावो आयो राम को

चौथो मिनट प्रभु म्हाने देवो तो करू बेटा सु बात  
मेरे री मन में रेहगी बीरो सा भरेला थारो भात  
बुलावो आयो राम को  
संतो स्वर्गा सु आयो है संदेस बुलावो आयो राम को

पांचवो मिनट प्रभु म्हाने देवो तो करू पति सु बात  
कुमकुम मेहँदी चावल लेके मौतया सु भरदो म्हारी मांग  
बुलावो आयो राम को  
संतो स्वर्गा सु आयो है संदेस बुलावो आयो राम को

<https://bhaktivandana.com/lyrics/%e0%a4%b8%e0%a5%8d%e0%a4%b5%e0%a4%b0%e0%a5%8d%e0%a4%97%e0%a4%be-%e0%a4%b8%e0%a5%82-%e0%a4%86%e0%a4%af%e0%a5%8b-%e0%a4%b9%e0%a5%88-%e0%a4%b8%e0%a4%a8%e0%a5%8d%e0%a4%a6%e0%a5%87%e0%a4%b6-by-priyanka-s/>